





Reakcije Centralne izborne komisije BiH na netačne medijske i druge objave i komentare



CIK BiH će u skladu sa zakonom štititi izborni proces, što uključuje i reagiranje na sve neistinite informacije kojima se pokušava nanijeti šteta, urušavanjem povjerenja građana u isti.



CIK BiH očekuje od medija i medijskih radnika da postupaju u skladu sa kodeksima koje su propisali Regulatorna agencija za komunikacije BiH i Vijeće za štampu u BiH.



CIK BiH će nastojati redovno ažurirati ovaj dokument reagirajući na sve netačne i neistinite informacije koje po svom značaju mogu ozbiljno ugroziti povjerenje građana u izborni proces, a sve sa ciljem zaštite integriteta izbornog procesa u Bosni i Hercegovini.



| Netačno  | Tačno  |
|--|--|
| <p>Mediji : „Dnevni avaz“, „Večernji list“, „Večernje novosti“</p> <hr/> <p>Naslovi: „SIPA i istražitelji Tužilaštva BiH upali u CIK“, „SIPA istražuje brisanje dopisnih glasova Hrvata“, „SIPA češljala dokumente“</p> <hr/> <p>Datum objave: 18. i 19.05.2021.god.</p> <p>- Navedeni mediji objavili vijest da su „pripadnici SIPA-e upali u prostorije Centralne izborne komisije BiH i da češljaju dokumentaciju te se insinuiraju da su se masovno odbacivale prijave birača da glasaju putem pošte a da su se nakon toga odbacivali i listići onih koji su glasali putem pošte iz inostranstva.</p> | <p style="text-align: center;">***</p> <p>Centralna izborna komisija BiH je putem saopćenja za javnost obavjestila javnost da se ne radi ni o kakvom „upadu“ SIPA-e u CIK BiH već da su istražitelji Tužilaštva BiH i SIPA-e u kontaktu sa CIK BiH već nekoliko sedmica po pitanju određene krivične prijave po kojoj su, kao istražitelji dužni da postupaju.</p> <p>Postupajuća tužiteljica je od Centralne izborne komisije BiH dopisom tražila na uvid određenu dokumentaciju koja će istražiteljima biti ustupljena po ustaljenoj proceduri.</p> <p>I u dosadašnjem radu Centralna izborna komisija BiH je po zahtjevima bilo kojeg tužilaštva ili policijske</p> |



| | |
|--|---|
| | <p>agencije dostavljala informacije i traženu dokumentaciju i tako će postupati i ubuduće.</p> <p>Prema informacijama kojim raspolaže Centralna izborna komisija BiH radi se predistražnim radnjama, a na osnovu krivičnih prijava koje se odnose na glasanje birača putem pošte iz inostranstva.</p> |
| <p>Netačno </p> | <p>Tačno </p> |
| <p>Politički subjekt : SNSD</p> <hr/> <p>Naslov: „CIK nastavlja sa kreiranjem općeg haosa“</p> <hr/> <p>Datum objave: 03.11.2020.godine</p> <hr/> <ul style="list-style-type: none"> - Neistinite tvrdnje glasnogovornika SNSD-a da „CIK BiH nastavlja sa manipulacijama i kreiranjem općeg haosa“ a čiju su izjavu prenijeli pojedini mediji u BiH. - On tvrdi da je prijedlog da zaraženi građani šalju svoj nalaz Centralnoj izornoj komisiji BiH neodrživ, konfuzan i kompliciran. - Slične tvrdnje su iznosili i drugi pojedinci iz SNSD-a. | <p style="text-align: center;">***</p> <p>Pravilnikom o dopunama i izmjeni Pravilnika o provođenju izbora u Bosni i Hercegovini je detaljno propisana procedura ostvarivanja prava na glasanje birača koji su pozitivni na COVID-19 i/ili birača kojima je određena izolacija ili su hospitalizirani.</p> <p>Da bi ostvario biračko pravo, birač pozitivan na COVID-19 i/ili birač kojem je određena izolacija ili je hospitaliziran dužan je najkasnije u roku od 72 sata prije dana izbora lično (putem e-maila, faxes ili telefonskih aplikacija osposobljenih za prijem dokumenata, odnosno fotografija dokumenata) ili putem drugog lica, dostaviti izornoj komisiji (općinskoj/gradskoj) zahtjev za glasanje putem kovertiranog glasačkog listića, odnosno medicinski nalaz koji potvrđuje da je pozitivan na COVID-19 i/ili akt nadležnog organa</p> |

| | |
|--|---|
| | <p>kojim mu je određena izolacija ili hospitalizacija.</p> <p>Birač kojem je dijagnosticirano oboljenje COVID-19 nakon isteka roka od 72 sata prije dana izbora, ili na sam dan izbora, zahtjev za glasanje je dužan dostaviti najkasnije na dan izbora.</p> <p>Takođe, jasno je propisana procedura imenovanja posebnog mobilnog tima i način rada tog mobilnog tima a što je u nadležnosti izbornih komisija osnovnih izbornih jedinica.</p> <p><i>Ne ugrožavajte integritet izbora temeljem neistinitih i netačnih informacija!</i></p> |
| <p>Netačno </p> | <p>Tačno </p> |
| <p>Medij : mojabanjaluka.info Naslov: "Nečuvena krađa glasova: CIKnuo spisak birača van BiH" Datum objave: 27.10.2020.godine</p> <p>- Neistiniti navodi: „Centralna izborna komisija BiH ignorirala prijave birača koji su prije gotovo mjesec dana uložili prigovore na preliminarni spisak birača koji glasaju van BiH! Drugim riječima, Centralna izborna komisija je odlučila da falksifikuje izbore i poništi volju birača.“</p> | <p>***</p> <p>Upravo je Centralna izborna komisija BiH odmah po saznanju o mogućim zloupotrebama u procesu podnošenja prijava za glasanje izvan BiH odmah reagirala i o tome informirala javnost. Prvi put je na web stranici CIK BiH objavljen Izvod iz Centralnog biračkog spiska za glasanje izvan BiH i pozvani su svi birači koji utvrde da ih je neko bez njihovog znanja i mimo njihove volje prijavio da glasaju izvan BiH da Centralnoj izornoj komisiji BiH dostave ovjerenu Izjavu o tome.</p> <p>Takođe je Centralna izborna komisija BiH informirala javnost da ukoliko nakon zaključenja Centralnog</p> |

| | |
|--|---|
| | <p>biračkog spiska ime nekog od takvih birača ostane na Izvodu za glasanje izvan BiH ti birači svoje biračko pravo ostvaruju na biračkom mjestu za glasanje na nepotvrđenim glasačkim listićima u svojoj općini/gradu gdje imaju prebivalište u BiH, a glasački paket koji u njihovo ime poštom bude dostavljen iz inostranstva neće se brojati.</p> <p><i>Ne ugrožavajte integritet izbora temeljem neistinitih i netačnih informacija!</i></p> |
| <p>Netačno </p> | <p>Tačno </p> |
| <p>Politički subjekt : Narod i pravda</p> <hr/> <p>Naslov: Saopćenje za javnost</p> <hr/> <p>Datum objave: 27.10.2020.godine</p> <hr/> <p>- Neistiniti navodi „Iz Naroda i Pravde izražavaju zabrinutost za integritet izbornog procesa s obzirom na to da Centralna izborna komisija ni do danas nije dostavila kriterije sa instrukcijama za izbor članova biračkih odbora što može u konačnici rezultirati kompromitiranjem cjelokupnog izbornog procesa.“</p> | <p>***</p> <p>Dana 05.05.2020. godine Centralna izborna komisija BiH je usvojila prečišćen tekst Pravilnika o utvrđivanju kvalifikacija i postupku imenovanja članova biračkih i isti je odmah objavljen u Službenom glasniku BiH i na web stranici Centralne izborne komisije BiH. Pravilnikom je detaljno precizirana procedura imenovanja članova biračkih odbora. Centralna izborna komisija BiH je posebnu pažnju u svojim podzakonskim aktima posvetila rezervnom sastavu u slučaju nedovoljnog broja prijedloga za članove biračkih odbora od političkih subjekata (koji se dostavlja svim političkim subjektima), te se u izjavama koje potpisuju kandidati za članove posebno naglašava da se obavezuju da prisustvuju radu na</p> |

| | |
|--|--|
| | <p>biračkom mjestu a kako bi se spriječila pojava sa prošlih izbora u BiH kada su članovi masovno odustajali od članstva u biračkom odboru čak i na sam dan izbora.</p> <p><i>Ne ugrožavajte integritet izbora temeljem neistinitih i netačnih informacija!</i></p> |
| <p>Netačno </p> | <p>Tačno </p> |
| <p>Medij : Dnevni avaz</p> <hr/> <p>Naslov: "CIK BiH je saučesnik u izbornim malverzacijama?!" i „Nakon pisanja Avaza, donesena nova odluka CIK BiH će ipak tražiti pomoć za provjeru birača izvan BiH“</p> <hr/> <p>Datum objave: 26., 28. i 29.10.2020.godine</p> <hr/> <p>- Neistinite informacije se odnose na dostavljanje Izvoda iz Centralnog biračkog spiska za glasanje izvan BiH Vijeću ministara BiH, Ministarstvu pravde BiH i drugim državnim organima koje navode, kao i o navodnoj sjednici Centralne izborne komisije BiH održanoj 23. septembra ove godine, sa prijedlogom traženja međunarodne pravne pomoći.</p> | <p>***</p> <p>Suprotno netačnim navodima, članom 4. Odluke o postupanju Centralne izborne komisije BiH sa ciljem osiguranja tačnosti, ažurnosti i integriteta Centralnog biračkog spiska za glasanje izvan BiH, kao i sprečavanja zloupotreba u vezi sa glasanjem izvan BiH, je propisano da u skladu sa Zakonom o pružanju međunarodne pravne pomoći u krivičnim stvarima, Centralna izborna komisija BiH inicira podnošenje zamolnice zemljama u kojima su registrirani birači za glasanje van BiH.</p> <p>Već iz naprijed navedenog je jasno, da Centralna izborna komisija BiH nije organ koji sprovodi istragu, te nije ovlaštena državnim organima dostaviti zamolnicu kao što se to netačno objavljuje u članku od 26.10.2020. godine.</p> <p>Na 70. (hitnoj) sjednici održanoj 28.10.2020. godine, na osnovu Odluke o postupanju Centralne izborne komisije Bosne i Hercegovine s ciljem osiguranja tačnosti, ažurnosti i</p> |

| | |
|---|---|
| | <p>integriteta izvoda iz Centralnog biračkog spiska za glasanje izvan Bosne i Hercegovine kao i sprječavanje zloupotreba u vezi sa glasanjem izvan Bosne i Hercegovine koju je Centralna izborna komisija BiH usvojila 19.10.2020. godine, kao i na osnovu Zakona o pružanju međunarodne pravne pomoći u krivičnim stvrima („Sl. Glasnik BiH, br. 53/09 i 58/13), jednoglasno je usvojen Zaključak o postupanju Centralne izborne komisije BiH u slučaju postojanja indicija o počinjenju krivičnih djela u izbornom procesu.</p> <p><i>Ne ugrožavajte integritet izbora temeljem neistinitih i netačnih informacija!</i></p> |
| <p>Netačno </p> | <p>Tačno </p> |
| <p>Medij : Dnevni avaz</p> <p>Naslov: "Sramotno/Početak štampe listića otkrio brojne opasnosti/Sve spremno za novu izbornu krađu"</p> <p>Datum objave: 26.09.2020.godine</p> <p>- Ne postoji adekvatan, efikasan neovisan nadzor, kontrola ili evidencija štampanja izbornog materijala.</p> | <p>***</p> <p>Suprotno netačnim navodima, višestruku kontrolu i nadzor nad procesom štampanja i pakovanja glasačkih listića, u konkretnom slučaju potvrđuje sledeće:</p> <ul style="list-style-type: none"> - Zahtjev za ulazak u štampariju reportera Dnevnog avaza - Evidencija ulaska i izlaska reportera Dnevnog avaza sa ličnim podacima i tačnim vremenom ulaska - Printscreen fotografija sa videonadzora koji je zabilježio cijelu posjetu reportera štampariji |

| | |
|--|--|
| | <p>Proces štampanja glasačkih listića se nalazi pod 24-satnim video nadzorom kojem CIK BiH pristupa u svakom trenutku bez obaveznog fizičkog prisustva u prostorima kompanije. Posebne komisije formirane od strane CIK BiH kontinuirano prate i nadziru nabavku, dopremanje, skladištenje i upotrebu papira sa vodenim žigom, te sam proces štampanja i pakovanja glasačkih listića.</p> <p><i>Ne ugrožavajte integritet izbora temeljem neistinitih i netačnih informacija!</i></p> |
| <p>Netačno </p> | <p>Tačno </p> |
| <p>Medij: RTRS</p> <hr/> <p>Naslov: „CIK nastavlja da urušava vlastiti kredibilitet</p> <hr/> <p>Datum objave: 26.09.2020.godine</p> <ul style="list-style-type: none"> - CIK BiH Instrukcijom, od lokalnih zajednica, entitetskih ili bh. vlasti zahtijeva dodatne milione maraka za zaštitnu opremu u vremenu pandemije; - Instrukcija ne samo da je zakašnjela, nego je, po mnogima, nejasna, neprecizna i predimenzionirana. Za iskazane "želje" CIK-a, niti ima u budžetima planiranog novca, a ni vremena za raspisivanje tendera.“ | <p style="text-align: center;">***</p> <ul style="list-style-type: none"> - Na osnovu člana 2.9 stav (1) tačka 2. Izbornog zakona BiH CIK BiH donosi administrativne propise za provedbu Izbornog zakona BiH - CIK BiH je navedenu Instrukciju usvojio 26.06.2020. godine, a ista je stupila na snagu 11.07.2020. godine, što je skoro dva mjeseca prije objave priloga na RTRS. <p><i>Ne ugrožavajte integritet izbora temeljem neistinitih i netačnih informacija!</i></p> |